



Broj: 05/1-50-13-29-25-3/16
Sarajevo, 20.10.2016.

ZAPISNIK

25. sjednice Nezavisnog odbora Parlamentarne skupštine BiH

Sjednica je održana 20.10.2016., s početkom u 17 sati.

Sjednicu je sazvaio Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Miroslav Škorić, članovi Nezavisnog odbora.

OSTALI PRISUTNI: Ljerka Bojić, rukovodilac Sektora za druga parlamentarna tijela, Aleksandra Zirojević, administrativno-tehnički saradnik u Sektoru za druga parlamentarna tijela.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar, predstavnici OHR-a.

Sjednicom je predsjedavao predsjednik Nezavisnog odbora Žiko Krunić.

Konstatirajući da postoji kvorum za rad, otvorio je 25. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 24. sjednice Nezavisnog odbora;

2. Razmatranje Zaključka s 29. sjednice Zajedničke komisije za odbranu i sigurnost Bosne i Hercegovine, broj: 03/1-50-14-7-29/16, od 6.10.2016.;
3. Razmatranje Zahtjeva Državne agencije za istrage i zaštitu BiH, broj: 16-04/3-04-1-5634-3/16, od 29.9.2016., zaprimljenog u Parlamentarnoj skupštini BiH 7.10.2016., broj: 05/1-50-19-2588/16;
4. Razmatranje Informacije Direkcije za koordinaciju policijskih tijela BiH o preduzetim aktivnostima po nalogu Ureda za reviziju institucija BiH za 2015. godinu, broj: 20-07-16-1-1888-12/15, od 3.10.2016., zaprimljene u Parlamentarnoj skupštini BiH 4.10.2016., broj: 05/1-50-13-29-24-5/16;
5. Usvajanje Izvještaja o posjeti članova Nezavisnog odbora Graničnoj policiji BiH;
6. Tekuća pitanja.

Ad.1. Usvajanje Zapisnika 24. sjednice Nezavisnog odbora

Zapisnik 24. sjednice Nezavisnog odbora usvojen je jednoglasno, bez primjedbi.

Ad.2. Razmatranje Zaključka s 29. sjednice Zajedničke komisije za odbranu i sigurnost Bosne i Hercegovine, broj: 03/1-50-14-7-29/16, od 6.10.2016.

U uvodu u ovu tačku dnevnog reda predsjednik Nezavisnog odbora Žiko Krunić napomenuo je da je Zajednička komisija za odbranu i sigurnost BiH na 29. sjednici usvojila i uputila Nezavisnom odboru zaključak s pritužbama Svevlada Hoffmana kako bi ih Nezavisni odbor razmotrio, te da ih o tome informira. Napomenuo je i to da su svi članovi Nezavisnog odbora dobili materijale u vezi s ovom tačkom dnevnog reda te je otvorio raspravu. U raspravi su učestvovali svi članovi Nezavisnog odbora. S obzirom na to da se pritužbe odnose na imenovanje direktora Granične policije BiH Zorana Galića, u raspravi su obuhvatili i 3. tačku dnevnog reda Razmatranje Zahtjeva Državne agencije za istrage i zaštitu BiH koja je tematski usko vezana.

Nakon rasprave, članovi Nezavisnog odbora jednoglasno su donijeli odluku da će Zajedničku komisiju za odbranu i sigurnost BiH obavijestiti o preduzetim aktivnostima Nezavisnog odbora i radnjama koje obavljaju nadležne institucije.

Ad.3. Razmatranje Zahtjeva Državne agencije za istrage i zaštitu BiH, broj: 16-04/3-04-1-5634-3/16, od 29.9.2016., a zaprimljenog u Parlamentarnoj skupštini BiH 7.10.2016., broj: 05/1-50-19-2588/16

U okviru ove tačke dnevnog reda predsjednik Nezavisnog odbora naglasio je da je Državna agencija za istrage i zaštitu BiH Nezavisnom odboru uputila Zahtjev Tužilaštva BiH kojim se traži da se dostavi ovjerena kopija dokumentacije koju je Zoran Galić poslao u prijavi na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine za poziciju direktora Granične policije BiH. Kako je o ovome raspravljano i u okviru 2. tačke dnevnog reda, članovi Nezavisnog odbora jednoglasno su donijeli odluku da se Državnoj agenciji za istrage i zaštitu BiH dostavi sva tražena dokumentacija.

Ad.4. Razmatranje Informacije Direkcije za koordinaciju policijskih tijela BiH o preduzetim aktivnostima po nalogima Ureda za reviziju institucija BiH za 2015. godinu, broj: 20-07-16-1-1888-12/15, od 3.10.2016., a zaprimljena u Parlamentarnoj skupštini BiH 4.10.2016., broj: 05/1-50-13-29-24-5/16

U uvodu u ovu tačku dnevnog reda predsjednik Nezavisnog odbora Žiko Krunić podsjetio je članove Nezavisnog odbora da je na njihov zahtjev Direkcija za koordinaciju policijskih tijela BiH dostavila informaciju o preduzetim aktivnostima po nalogima Ureda za reviziju institucija BiH te otvorio raspravu. U raspravi je učestvovala većina članova Nezavisnog odbora nakon koje su jednoglasno primili k znanju Informaciju Direkcije za koordinaciju policijskih tijela BiH.

Ad.5. Izvještaj o posjeti članova Nezavisnog odbora Graničnoj policiji BiH

Izvještaj o posjeti članova Nezavisnog odbora Graničnoj policiji BiH 14.9.2016., u sastavu Mato Jozić, drugi zamjenik predsjednika Nezavisnog odbora, te Adisa Begić i Miroslav Škorić, članovi Nezavisnog odbora, jednoglasno je usvojen bez primjedbi.

Ad.6. Tekuća pitanja

U okviru ove tačke dnevnog reda članovi Nezavisnog odbora dogovorili su se o daljnjim aktivnostima i načinu rada Nezavisnog odbora.

Predsjednik Nezavisnog odbora Žiko Krunić zaključio je sjednicu u 18,10 sati.

Prilog ovom zapisniku je audiozapis sa sjednice (CD x 1).

ZAPISNIK SAČINILA

Ljerka Bojić

**PREDSJEDNIK
NEZAVISNOG ODBORA**

Žiko Krunić